

Na osnovu člana 30. stav (1) tačka o) i stav (2) i člana 45. Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08 i 35/09), člana 50. stav 4. tačka f) Zakona o radu u institucijama Bosne i Hercegovine ("Službeni glasnik BiH", br. 26/04, 7/05 i 48/05) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine na 91. sjednici, održanoj 17. juna 2009. godine, donijelo je

ODLUKU

O NAČINU I POSTUPKU OSTVARIVANJA PRAVA NA NOVČANU NAKNADU NA OSNOVU JUBILARNIH NAGRADA U INSTITUCIJAMA BOSNE I HERCEGOVINE

Član 1. (Predmet Odluke)

Ovom Odlukom uređuje se način i postupak ostvarivanja prava zaposlenih u institucijama Bosne i Hercegovine na novčanu naknadu na osnovu jubilarnih nagrada, u skladu sa članom 45. Zakona o plaćama i naknadama u institucijama Bosne i Hercegovine i članu 50. stav 4. tačka f) Zakona o radu u institucijama Bosne i Hercegovine.

Član 2. (Pravo na naknadu)

- (1) Zaposleni u institucijama Bosne i Hercegovine ima pravo na novčanu naknadu na osnovu jubilarnih nagrada za vrijeme provedeno na radu u institucijama Bosne i Hercegovine.
- (2) Pravo na novčanu naknadu na osnovu jubilarnih nagrada zaposleni ostvaruje na osnovu rješenja utemeljenog na odredbama ove Odluke i izdatog od strane rukovodioca institucije.

Član 3. (Visina naknade)

- (1) Zaposleni u institucijama Bosne i Hercegovine s deset godina efektivnog radnog staža u institucijama Bosne i Hercegovine ima pravo na jednokratnu novčanu naknadu na osnovu jubilarnih nagrada u visini jedne prosječne mjesečne neto plaće u Bosni i Hercegovini utvrđene na način propisan članom 7. stav (1) Zakona o plaćama i naknadama u institucijama Bosne i Hercegovine.
- (2) Za svakih narednih navršenih pet godina efektivnog radnog staža u institucijama Bosne i Hercegovine zaposleni ima pravo na jednokratnu novčanu naknadu u visini 1/2 prosječne mjesečne neto plaće u Bosni i Hercegovini utvrđene na način kao u stavu (1) ovog člana.

Član 4. (Obračun i isplata naknade)

Obračun i isplata naknade na osnovu jubilarnih nagrada za zaposlene u institucijama Bosne i Hercegovine vrši se uz mjesečni obračun i isplatu plaća i naknada zaposlenih u institucijama Bosne i Hercegovine na osnovu rješenja izdatog od strane rukovodioca institucije.

Član 5. (Institucije odgovorne za provođenje Odluke)

Za realizaciju ove Odluke zadužuju se institucije Bosne i Hercegovine i Ministarstvo finansija i trezora.

Član 6. (Stupanje na snagu)

Odluka stupa na snagu narednog dana od dana objavljivanja u "Službenom glasniku BiH".

VM broj 167/09
17. juna 2009. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.
